

1 Korintionan 13

Amor ta mas importante ku tur don.

Awor mi ta bai mustra boso loke ta surpasá tur kos.

13.

1. Ounke mi por a papia tur lenga ku hende sa papia, asta lenga di angelnan, pero mi no tin amor, mi no ta nada mas ku un gòn ku ta resoná of un bèl ku ta zona pa loko.

2. Maske mi tin don di profesia mi konosé tur Dios su sekretonan i mi sa tur kos, maske mi tin fe perfekto pa move seru, ma mi no tin amor, mi no ta nada.

3. Maske mi parti tur loke mi tin pa alimentá pobernan i asta entregá mi kurpa pa mi broma ku esei, ma mi no tin amor, no ta juda mi ku nada.

4. Amor sa di soportá i ta bondadoso, e no ta invidioso; amor no ta broma, ni ta orguyoso.

5. E no ta grosero, ni egoista; e no ta rabai lihé, ni warda renkor;

6. e no ta keda kontentu ku inhustisia, pero ku bèrdat sí.

7. Amor semper ta perseverá, semper ta kere, semper ta spera i keda soportá.

8. Amor ta dura pa semper. E dia lo yega ku hende lo no profetisá mas, ni papai den lenga i don di konosementu lo no eksistí mas.

9. Pasombra don di konosementu i don di profesia ta kosnan limitá,

10. Ku lo yega na nan fin ora loke ta perfekto bini.

11. Tempu mi tabata mucha, mi tabata papia manera mucha, pensa manera mucha i rasoná manera mucha; pero dia mi a bira hende grandi, mi a laga loke ta di mucha mi tras.

12. Awor aki nos ta mira via un spil, no direktamente, pero e dia ey nos lo mira direktamente. Awor aki mi konosementu ta limitá, pero e dia ei lo mi tin konosementu kompleto manera Dios konosé mi kompletamente.

13. Mientrastantu tres kos ta keda; fe, speransa i amor; pero esun di mas grandi ta amor.